

припремљено: BUSINESS d.d.



Broj: UP1-03-07-3-16-16/16
Datum: 26.12.2016.godine

Na osnovu člana 61. Zakona o upravi („Službeni glasnik BiH“, br. 32/02 i 102/09), člana 70. stav (1) i (3) Zakona o javnim nabavkama BiH („Službeni glasnik BiH, br. 39/14), Odluke o davanju saglasnosti na Izvještaj o evaluaciji (Javna nabavka konsultantskih usluga otvorenim postupkom za implementaciju projekta „Unapređenje procesa analize potreba i evaluacije efekata obuke“); broj: 05-14-3-186-5/16 od 07.12.2016. godine i Odluke o davanju saglasnosti na prijedlog Odluke o dodjeli ugovora za nabavku konsultantskih usluga za implementaciju projekta „Unapređenje procesa analize potreba i evaluacije efekata obuke“ broj: 05-14-3-186-6/16 od 07.12.2016. godine, Koordinator za reformu javne uprave u BiH donosi

ODLUKU
o dodjeli ugovora za nabavku konsultantskih usluga za implementaciju projekta
„Unapređenje procesa analize potreba i evaluacije efekata obuke“

Član 1.

Ugovor za implementaciju projekta „Unapređenje procesa analize potreba i evaluacije efekata obuke“ dodjeljuje se ponuđaču - grupi ponuđača „IBUSINESS d.o.o, Trg Ilidžanske brigade, 71 000 Sarajevo, i NET-PRO d.o.o, ul. Kantardžića br.8, 76 000 Brčko“a po prihvaćenoj ponudi ponuđača br: UP1-03-07-3-16-6/16 od 02.11.2016.godine, po provedenom otvorenom postupku javne nabavke.

Član 2.

Ugovor za implementaciju projekta „Unapređenje procesa analize potreba i evaluacije efekata obuke“ zaključit će se po cijeni prihvaćenoj u ponudi ponuđača i to: 352.023,75 KM sa PDV-om.

Član 3.

Ova Odluka stupa na snagu na danom donošenja i dostavlja se ponuđaču u roku od tri dana od dana stupanja na snagu i objavljuje se na web stranici Ureda koordinatora za reformu javne uprave.



Obrazloženje

Ured koordinatora za reformu javne uprave pokrenuo je otvoreni postupak javne nabavke konsultantskih usluga za implementaciju projekta „Unapređenje procesa analize potreba i evaluacije efekata obuke“ i to Odlukom o pokretanju postupka javne nabavke konsultantskih usluga za implementaciju projekta „Unapređenje procesa analize potreba i evaluacije efekata obuke“ broj: UP1-03-07-3-16-1/16 od 14.09.2016.godine. Obavještenje o javnoj nabavci objavljeno je na portalu javnih nabavki broj: 1438-1-2-20-3-12/16 od 15.09.2016. godine. Također informacija o postupku javne nabavke objavljena je i na web stranici Ureda kordinatora za reformu javne uprave, kao i na stranicama Centra za promociju civilnog društva, web stranici akta.ba, ccpei.ba i briefing.ba.

Ured koordinatora za reformu javne uprave do krajnjeg roka za prijem ponuda tj. do 02.11.2016. godine do 12.00 sati zaprimio je dvije ponude i to:

1. Ponuda ponuđača „*Djikić consulting services d.o.o. Sarajevo, Augusta Brauna 10, 71 000 Sarajevo*“, ponuda zaprimljena dana 02.11.2016. godine u 10.40 sati.
2. Ponuda ponuđača – grupe ponuđača „*IBUSINESS d.o.o, Trg Ilidžanske brigade, 71 000 Sarajevo, i NET-PRO d.o.o, ul. Kantardžića br.8, 76 000 Brčko*“ ponuda zaprimljena dana 02.11.2016. godine u 11.30 sati.

Nakon roka određenog za prijem ponuda zaprimljena je ponuda ponuđača Kronauer consulting, ul. Augusta Brauna 12, 71 000 Sarajevo, ponuda zaprimljena dana 02.11.2016. godine u 12.10. Navedena ponuda, obzirom da je zaprimljena nakon isteka roka za dostavljanje ponuda, je u skladu sa članom 63. stav (1) Zakona o javnim nabavkama i tačkom 8.6.2. tenderske dokumentacije za projekat „Unapređenje procesa analize potreba i evaluacije efekata obuke“ vraćena ponuđaču neotvorena.

Javno otvaranje ponuda izvršeno je dana 02.11.2016. godine u 12:15 sati.

Komisija za javne nabavke izvršila je pregled i ocjenu pristiglih ponuda i utvrdila da ponuda ponuđača *Djikić consulting services d.o.o. Sarajevo* ne ispunjava uslove iz tenderske dokumentacije i da je ista neprihvatljiva iz slijedećih razloga:

- *Obrazac za cijenu ponude*, koji je dat u aneksu 3 tenderske dokumentacije, nije dostavljen kako je zahtjevano tenderskom dokumentacijom. Naime, ponuđač nije dostavio obrazac koji je dat u tenderskoj dokumentaciji nego je dostavio neki drugi obrazac što nije prihvatljivo. Takođe je povećao iznos pratećih troškova koji su određeni u fiksnom iznosu i nije dozvoljena njihova izmjena. Tačkom, 8.1.3. tenderske dokumentacije je propisano je slijedeće: „*Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.*“ Imajući u vidu navedeno, konstatovano je da ponuđač nije dostavio obrazac za cijenu ponude kako je traženo tenderskom dokumentacijom.
- Izjava o nepostojanju sukoba interesa za ključne eksperte, koja je data u aneksu 13 tenderske dokumentacije, za predloženog ključnog eksperta 1 nije dostavljena kako je zahtjevano tenderskom dokumentacijom. Naime, ponuđač nije dostavio navedenu Izjavu koja je data u tenderskoj dokumentaciji nego je dostavio izjavu za drugi postupak nabavke što nije prihvatljivo. Tačkom, 8.1.3. tenderske dokumentacije je propisano je slijedeće: „*Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske*

dokumentacije.“ Imajući u vidu navedeno, konstatovano je da ponuđač nije dostavio Izjavu o nepostojanju sukoba interesa za ključne eksperte koja je data u aneksu 13 tenderske dokumentacije za predloženog ključnog eksperta 1 kako je traženo tenderskom dokumentacijom.

- Ponuđač je dostavio logički okvir/matricu koja je data u aneksu 14 tenderske dokumentacije, ispunjenu ali nepotpisanu, a tačkom 8.2.1. tenderske dokumentacije je navedeno da ponuđači dostavljaju ispunjen i potpisan logički okvir/matricu. Imajući u vidu da logički okvir/matrica nije potpisan isti ne ispunjava uslov iz tenderske dokumentacije.
- Ponuđač nije dostavio potpisane Opšte uslove ugovora, a što je traženo tačkom 8.2.1. tenderske dokumentacije

Komisija je utvrdila da ponuda ponuđača - grupe ponuđača „IBUSINESS d.o.o i NET-PRO d.o.o“ ispunjava sve uslove tražene tenderskom dokumentacijom, te je ista prihvatljiva.

Shodno naprijed navedenom komisija za javnu nabavku dala je preporuku ugovornom organu da se ugovor za implementaciju projekta „Unapređenje procesa analize potreba i evaluacije efekata obuke“ dodjeli ponuđaču - grupi ponuđača „IBUSINESS d.o.o, Trg Ilidžanske brigade, 71 000 Sarajevo, i NET-PRO d.o.o, ul. Kantardžića br.8, 76 000 Brčko“.

Sredstva za nabavku usluga za implementaciju projekta „Unapređenje procesa analize potreba i evaluacije efekata obuke“ osigurana su u Fondu za reformu javne uprave. Ponuđena cijena za izvršenje usluga za implementaciju predmetnog projekta iznosi **300.875,00 KM bez PDV-a**. Ukupna ponuđena cijena sa PDV-om iznosi **352.023,75 KM**.

Pouka o pravnom lijeku:

Protiv ove odluke može se izjaviti žalba prvostepenom organu Uredu koordinatora za reformu javne uprave u roku od 10 dana od dana prijema ove odluke.

Koordinator za reformu javne uprave

Doe, Dr Dragan Cuzulan



Dostavljeno:

1. Ponuđačima koji su dostavili ponude
2. Kopija članovima i sekretaru Komisije za nabavku
3. a/a